

薛道光祖師---南宗三世祖 陳子石宗師

薛祖名式。字道光又號道源。陝西陝府雞足山人。嘗為僧。法名紫賢。人稱之為毗陵禪師。曾雲遊長安。留開福寺參長老脩嚴又參高僧如環。因觀桔槔有悟。呈頌曰。軋軋相從響發時。不從佗得豁然知。桔槔說盡無生話。井裏泥蛇舞柘枝。二老然之自爾。頓悟無上圓明宗法。機鋒迅捷宗說兼通鑑於六祖。既得悟性猶如廣求黃梅。授金丹脩命之術。必有秘妙。斷非一己之智慧。所能測度。遂盡力尋訪。時宋崇寧五年丙戌寅。陝西省郿縣青鎮聽講佛事。遇一道者。年八十有五黑髮朱顏。夜事縫紉。薛祖異之。審知為石杏林祖。試問玄門中有張紫陽祖其人乎。石祖曰張祖乃吾師也。薛疑不能決。遂舉悟真篇詩句請益。石祖察其誠略為之宣解大要。薛祖昔日所蘊滿疑惑已如桶心脫底。於是始信石祖為真得張祖之傳者。遂稽首執弟子禮。石祖笑曰。君不懼有叛教之嫌耶。薛祖曰生死大事。若居守門庭寧非自誤。石祖肯首者再竝慨。謂自張祖先師傳授以來垂三十年。今方遇繼承之人。因悉以金丹口訣相授。臨別誡之曰。此事非有巨室外護則生謗毀。可疾往通都大邑。依有力者為之。吾從茲隱矣。薛祖遂棄僧伽黎幅巾逢掖。混俗和光。已了大事。道成壽一百四十歲。有悟真篇註還丹復命篇丹髓歌等行於世。

紀念薛道光祖師駢言

黃帝鼎湖。九鼎鑄成之樂。海蟾遼相。十卯累疊之危。良以扶風道遇。顏鬢異之。開福雲遊。桔槔悟矣。苦心參訪。適音响乎金雞。盡力窮求。察圓陀於糊餅。雙修之學。不其甚難。至於說禪談道。事在這邊。知雄守雌。旨稱全璧。終南摩石。鍾離權寶畢之經。邠境解疆。張平叔悟真之作。拜師青縣。抑是奇矣。乃薛祖道光之道也。契緣偶於鳳翔。混俗來於京兆。棄僧之舉。更甚華陽。刮髓之歌。授於南木。通都疾往。遂成復命之篇。大邑和光。只了天仙之願。而且運精迎炁。其樂無窮。為無作有。異名非一。乾坤顛倒。世必猜疑。龍虎相交。人多訛謗。豈有教鸞傳子之悲。君實告天之哭。然而道乃窮通。訣何難悟。今既有文垂世。兼廣玄微。遺鉢傳人。長存道範。有何隱秘。泄之詩歌。不知真經萬卷。只辨正邪。大道一言。何多譬喻。故紀薛祖之學。援世援道。壽延百四之奇。度已度人。名列第三之位。天台統緒，一脈相承。雞足淵源。吾門遠接。參玄音之窈窕。覓真信以冥冥。是知函谷心傳之德。定當廣結於人緣。鑪舉口授之行。固必宏揚其仙法也。

道曆四千六百五十八年己亥春三月十五撰於鑪峰精神脩養院新址

薛道光祖師遺產(精神脩養要妙-6)

赤脚猛將軍。陰中煉至陽。不愁生死繫。丹田二炁牢。一物分爲二。能知二者名。欣逢紫府賓。真龍真虎纔交媾。壬癸位中男擊浪。丙丁巖畔女頻呻。龍虎一交相眷戀。坎離纔媾便成胎。溶溶一物乾坤髓。著意求他啜取來。方以類聚物羣分。兩畔同稱共一斤。金木纔逢二炁交。真精便是長生藥。祇向華池覽魄魂。聖人傳藥不傳火。一爻看過一爻生。二炁本因兒產母。夫歡婦合黃金寶。驅回北斗轉天罡。水晶宮裏翠娥嬌。虎髓龍精炁象全。一畝沙田手自耕。要知黑白通玄妙。交感陰陽雌與雄。三男三女合始終。一月一還爲一轉。握固休推心腎。白虎長存坎戶。青龍却與南隣。大意不離玄牝。會向我家園裏。栽培一畝天田。鑿破玄元三五。竹破還須竹補。人衰須假鉛全。鼎中神水溫溫。身中自有一陽生。龍飛赤水波濤湧。虎嘯丹山風露清。初時有如雲出洞。次則有如月在潭。又似金蠶如玉笋。好將火候煉三三。嬌如西子離金閣。美似楊妃下玉樓。日日與君花下醉。更嫌何處不風流。昔日遇師親口訣。只要凝神入炁穴。以精化炁炁化神。煉作黃金並白雪。烏兔交時天地永。馬牛只是乾坤髓。龜蛇只是陰陽形。二炁交會混爲一。夫真夫。婦真婦。坎男離女交感時。虛空無塵天地露。自有神炁分兩弦。但能守黑白自現。玄牝都來共一竅。不在口鼻并心腎。滿鼎炁歸根玉液。玉液盈壺神入室。丁公運火煉金花。黃婆瓶裏養金鵝。純陽無陰命不死。陰陽都只兩個字。醫喻丹書幾萬章。

薛祖自序曰。
宣和庚子歲。得至
人口訣曰。大道之
祖。不出一氣而成
變化。喻之爲日月
。名之爲龍虎。因
之爲陰陽。託之爲
天地。一清一濁。
金木間隔於戊己之
門。一性一情聚會
於生殺之戶。採二
儀未判之炁。奪龍
虎始媾之精。入於
黃房。產成至寶。
別有法象樞機。返
還妙用。長生秘訣
。畢於此矣。



道學真宗薛道光祖師